

PAGANINI 100. GAVDENTII

Doctoris Theologi, & Iurisconsulti.

PRÆFATIO IN GYMNASIO PISANO.

*Cum instaurarentur Studia Anno M. DC. XXX.
Mense Novembri.*



FLORENTIÆ

Ex Typographia Petri Neltij sub Signo Solis, 1631
Superiorum Permissu.

PAGANINI
GAVDENTII

Doctoris Theologi, & Jurisconsulti.

PRAEFATIO
IN GYMNASIO
PISANO.

Com. illustratiss. Studios. Anno M. DC. XXX.
Die 15. Novembris.



FLORENTIAE

Apud Joannem Baptistam Noddingi sub signo stellae, 1731.
per Joannem Noddingum.

Illustrissimo Viro

ANDREÆ CIOLO,

Serenissimo Magno Duci à Secretis,
& intimis Consilijs.

*M*erent semper animo literę, quas
de me tibi exaravit tres abhinc
annos Vir singulari pietate, do-
ctrina, & prudētia tota Europa,
& orbe Christiano notissimus
Mutius Vitelleschus Societatis
Iesu præpositus Generalis. Illis
namque sic usus es in rem me-
am, ut à Serenissimo Magno Duce ad publicam profes-
sionem in Gymnasio Pisano accersitus fuerim. Quemad-
modum autem inde res mea incrementum cæperunt: ita
soleo summo opere extollere tuam erga me benevolentiam;
atque ut magis mihi ipsi satisfaciam in limine huius Præ-
fationis, qua nunc prodit, publicè, quantum tibi debeam,
testatum facio. lubenter verò adderem tuorum merito-
rum erga Serenissimos Magnos Duces, totamque incli-
tam Etruriam, commemorationem, nisi scirem panegy-

A 2 rico


vico potius opus esset, quid conaretur facere, quam
brevis Epistola; nisi etiam vereretur, ne offenderem mo-
derationem animi tui, qui sic civilium virtutum perfe-
cto numero cum placidissimis moribus es instructus, ut
malis esse, & agere, quam videri, & laudari.

Illustrissimo tuo Nomini

Obsequissimus

Paganinus Gaudentius.

102.



PRÆFATIO IN GYMNASIO PISANO.

*Cum instaurarentur Studia Anno M. DC. XXX.
Mense Nouembri.*



On multi numerantur dies, Auditores humanif-
simi, quando anxie de Studijs hoc anno nostro
in Gymnasio renouandis, quæbatur. Et qui-
dē plurima vltro citroque prolata erat audire,
vt quibus quantumuis prouidus cogeretur hasitare. Quos
spes cupidos excitabat, eosdem timor trepidos deijciebat.
Hinc quod desiderabatur se probabilibus insinuabat ratio-
nibus; illinc impendens dilatio, quidquid erat conceptum
excutiebat. & vt nauis aduersos experta ventos, dum obli-
quo labore nititur vim superare, & portum petere, nunc
progredi, nunc retrocedere videtur: sic & nos quotquot de
reditu ad Acadēmicas exercitationes solliciti viuēbamus,
quia non pauca obijciebantur, quasi certā statione desti-
tueremur, querebāmur. Nostis morem famæ, Audito-
res, solet omnia, quæ sibi credita fuerint siue læta, siue
tristia augere, & plurimis in ventis in immensum extende-
re. Sed grauiā auditu potissimum sibi putat amplificanda.
& nescio quomodo fiat, vt mortales opinionem calamita-

A 3 te ma-

te maiorem, & sapius repositas querimonias suarum claudum velint esse additamentum. Eo igitur ferebantur crebriores sermones, illuc pleræque deuolvebantur cogitationes, in eam partem inclinabant coniecturæ, vt meliora in tempora differendas esse professorias prælectiones ominarentur. A remota vetustate in memoriam nobis reuocabant, quod Romani, hominum, qui vnquam fuerunt, sapientissimi, vbi publici moeroris tempestas ingruisset, indicto iustitio, domos claudebant, fora deserebant, vadimonia relinquebant, vestes pullâ sumebant, omnia deniq; ad tristitiam conponebant. & quando vnquam Italiam sæuiora fata vrserint, quando felicitate dignissimam regionem facto velut agmine tot acerbitates inuasert, concusserint? nam quam partem præterierit, & illas reliquerit lamentabilis vexatio? Ligures vt quiescere dicantur, sumptus facere in alendis militibus, nescios quid serus vesper ex vicinia possit adferre. Rempublicâ Venetorum aut dolere vices suarum ciuitatum, quæ cum lue conflctantur, aut ex propinquitate Germanorum sentire molestiam, & inter bellum, & pacem degere inuitam. confinia Pontificiæ ditionis aut carpi morbis, aut copijs insideri. quanto vero in squalore iaceat Mantua, & suum lugear agrum direptum. Casalenses post duplicem obsidionem valde incertos adhuc esse, cui sint parituri, quid futurum de Segusio, de oppidis ad Eridanum, an ibi diu hæsurei potentissimorum regum bellici apparatus, adhuc discendum à longa forte die. ac ne externa affectato luctu memorentur, Tusciâ immota quidem pace frui tranquillam, sed alicubi iam grauibus morbis lacerata, & primariæ vrbis metuere. Inter hæc an querendæ litterarum amoenitates, an lætis applausibus frangenda subsellia, an de quæstionibus iucundæ instituendæ dissertationes? an querendū cū Philosophis de coelestis motus

peren-

perennitate, quando in terris instabiles trepidamus, & tollendi oculi ad sidera, quando vix locus suppetit, vbi pedem figamus? an cum Iureconsultis de familia erciscunda, de communi diuidendo disputandum, quando quotidie vi-
metuque mortis non paucos ex domicilio expelli oculis vsurpamus? an quasi fallentes tempus cum Galeni discipulis de calore innato, de quatuor humorum commixtione, de naturæ artificio in contexendo corpore litigabimus, quando potius ad pernicioſa contagia eliminanda omissis verbis opere est accurrendū? an vndique conueniendum, & velut comitia conuocanda studioſorum, quando ne commercij quidem causa, si fieri posset, esset colloquendum? plura etiam iactata meminimus, quorum prolixior recitatio nimiam vestris sensibus iniungeret patientiam. quæ eo vsque, ne quicquam dissimulem, progrediebantur, vt aliqui aut aliena, aut superuacanea cura præcipientes nescio quid de stipendiorum pensitatione cunctanter mussarent. vt præmia opus comitantur, ita per res prolatas non videri largitioni fore locum. quod enim milites mereantur siue pugnent in hostē, siue per inducias intra hyberna degant, id dissimilius esse, quam vt desidi togæ possit prodesse. nam ne eo quidem tempore. quo expeditio non suscipiebatur, Romanorum in castris aut omiſſa pugnarum imitamenta prope quotidiana, aut neglectas munimentorum excitationes, tantum ne torpor subiret paulatim incautos. vt vero de re familiari meticolose protinus reijcerētur voces, illud animum subiūde cruciabat, ne consuetudinem cogeremur interromp-
tere docendi. quid, quæso vos, molestius fuisset, quā scolasticis deductionibus aliquandiu carere? quam mensibus æstiuis silendo iungere hybernos, aut quod iugi meditatione erat collectum, & in commentarios relatum, intempestiua vacatione amittere? viri profecto qui sūt
nullum


nullum defidia sentiunt esse laboriosius negotium, nullam
 mordaciorem curam, quam cura carere; qui si solatium præ
 sentissimum reperiunt in labore, lancinantur, & torquentur
 quâdo per ignauiam tempus coguntur traducere. quid vero
 sanctius, quid innocentius doctrinarum tractatione? quid
 suauius, quam, si quid feliciter est excogitatum, id ingenio
 se tradaere iuuentuti, & sui memoriam apud eos, quibuscum
 nō vulgaria communicantur monita, relinquere sempiter-
 nam? struant alij pario de marmore monumenta, incidant
 æri longos titulos, magnifica dedificent ædificia, vt nomen
 ab obliuione vindicent, si interim disciplinis qui lucem in-
 ferūt, & egregios adolescentes ad arcana scientiarum dedu-
 cunt, in animis hominum imagines sibi ponant pulcher-
 rimas. dum vero dubij nunc nobis quasi gratulamur tan-
 quam ituri, mox velut mansuri contrariam in partem retra-
 himur, dum cum expectatione mali, quæ malo sæpe est
 grauior, congregimur, derepente exorta summæ auctori-
 tatis lux, formidolosam moræ dissecit obscuritatem. nube-
 culæ sollicitudinis noster animus erat intentus, quam sol
 Etruscus, cœlesti quam simillimus illicō dissoluit. genero-
 sa nempe indoles, quæ in Serenissimo Magno Duce à pueri-
 tiæ annis eluxit, nunc robore iuuentutis firmata, postquam
 regiminis sumpsit habenas moderandas, insignia edit virtu-
 tum specimina, vt iam nunc sapientes homines non incerto
 iudicio augurentur fore, vt parentum, auorumque suorum
 gloriam sit æquaturus, aut etiam supergressurus. nam, ne à
 suscepto sermone instaurationis studiorum digrediar ad
 alia, quæ quotidie, vt suarum urbium saluti consulat
 gerit, vt, inquam, quod dicere susceperam, prosequar,
 quam expeditum, quam prouidum, quam benignum se præ-
 stiterit, postquam celeberrimæ huius Academiæ Prospectorē
 accuratissimum, Virum & doctrina, & magno usu rerum præ-
 stan.

stantissimum totius nostri ordinis peramantē Hyeronimū
 à Sommaia audiuit referentē. statim singularis beneuo-
 lentia erga sedem liberalium literarum dedit non vnum ar-
 gumentum. quale illud silentio non potest præteriri, quod
 Galuano, quē qui rectē nouit, non potest nō magnificere,
 Pandectarum expositionem rectissimo consilio iussit defer-
 ri, ut desiderium, quod nobis Accarisi immatura, & lacy-
 mis dignissima mors reliquit, non leuiter temperetur. quod
 vero, Auditores, me indulgentissimus Princeps in Collegi-
 um Iurisperitorum præcepit cooptari, id eiusmodi est, ut si
 dum publicè dico, dissimuletur, benignitatem largientis vi-
 dear deterere, si narretur, proprii commodi inuidiam in ca-
 put meum deriuem. quæ verba suppetent, quibus verumq;
 scopulum declinem, & inoffenso cursu incedam? ita mihi
 sumam audaciam, ut iactantia apud æquos iudices notam
 sperem posse vitari. vtrò agnosco, palamque recenseo,
 ingenij mei nullam esse vim, in studijs exiguum profectum,
 infantilem esse sermonem, aptitudinem infra huius sedis
 fastigium esse positā. at negare non possum, quod vobis
 notissimum est, meam in peruoluantis bonis exempla-
 ribus, in commē. ādo operam esse assiduitatis plenā. Quo
 magis miror reperiri quosdam, quos in nullo non scriptore
 hospites noui, qui nonnisi vulgaria, & in triuijs decanta-
 ta promunt dicta & infelicitè vsurpāt, quos Musæ nunquā
 ad sua sacra admiserunt, miror, inquam, quod conen-
 tur affanias suas obtrudere, & meis auribus quasi peregrini-
 um aliquod adferant, existiment se posse obrepere. Qui-
 bus missis factis, si meam in versandis libris occupationem
 voluit sua auctoritate prouehere iustissimus Princeps, vni
 ingens beneficium acceptum refero, vni grato animo gra-
 tias rependo, gratulorque omnibus illis, qui de promouen-
 dis studijs, de augenda antiquissimæ scholæ gloria suscipi-
 unt

unt sollicitam meditationem. Habemus Principem, excellentissimi doctores, qui nouit exactè quid vnusquisque præstare queat, paratusque est diligentiam, alacritatem remunerari. Scitis quantam liberalitatem elapso anno, erga multos professores exercuerit; & nuper non est passus quicquã eorum, quæ ad rem facerent, omitti. cū tamen plurima impendat, dum alimenta innumeris familijs, quæ paupertate premuntur, suppeditat. dum tot extra ordinem militantibus mercedem largitur, qui excubias agunt, ne pestiferi morbi latius grassentur. quod si tot inter difficultates non solum Gymnasium non negligit, sed tuetur, sed saluum, & incolume seruat, nouis Doctores instruit; quid dicemus facturum, quando nubes hæc transierit, quando sublato contagij timore pristina securitas vrbibus, oppidis frequentia restituta dicetur? quando æquabili transactione paci in vniuersa Italia fuerit consultum, & suum agris longè latèque reddetur decus? nulli possumus dubitare, quin præclarissima quæque ab eo, qui veræ gloriæ cupidissimus est, sint expectanda. ergo, quod superest, egregij Professorum, vosque optimæ spei Iuuenes, dum optatum ad curriculum reuertimur, immortale numen, cuius arbitrio omnia reguntur, supplices rogemus, vt optimi Principis faueat consilijs, eumque quamprimum votorum suorum, quibus non minus populorum in Etruria, quam sui ipsius incolu-
mitatem prosequitur, compotem faciat.



LETTORI



LECTORI S.



Anc orationē exaravi, cum detransactione Ra-
uisponensi nihil adhuc inaudissemus, & ma-
gna esset ab gliscentem pestem trepidatio.
Nunc gratissima vice, & pacis desideratis-
sima commoda spondentur, & bellus illa, quæ ab-
quandiu sæviit in vrbes Italicas, illuc videtur redire.
Vnde negant redire quemquam.

Fac ò propitium Numen, ut quæ lux iam nunc afful-
get, aucta sinceros, & perennes diffundat radios.



CVM

211
CVM SPARSVS ESSET
R V M O R
DE MORTE AVCTORIS.

D Vmlevis exanimem vulgime fabula iactas,
Fingitur & vacuas Gaudentius ire per umbras;
Nas qua pulchricomos collis Florentia calles,
Invidae rabidae voces, & tristia vota,
Tradimus Aëlys natis per inane ferenda.
Sepeque Virginei fulgentia limina templi,
Marmoreosque gradus premimus, doctamque plateam.
Hic ubi quotidie letos Deus excitat ignes
Lemnius, & varium dispergit in aera murmur.
Nam Fera, qua Tuscas nuper vexaverat urbes,
Concidit, ut monstrum quod quondam stravit Apollo.
Hinc postquam cecidere umbra, Pontoque ruit nox,
Illuc se glomerat gressus (nam dulcis edendi
Suadet amor) socys ubi splendida ianua plausum
Duplicit, & larga ponit conivia mensa.
Cumque hilares animi incaluere, effundimus iram
In caput illorum, multo sermone morantes,
Queis studium effreni est mendacia spargere lingua,
Optandoque alium manes dimittere ad imos.
Nam veluti mergi, nisi naufraga saxa carinam
Impulerint, fractosque arcus ad littora fluctus
Voluerit, ingluviem nequeunt sariasse moleitiam:
Sic fila alterius nisi solueris improba Clotho,
Effrontes illi, quos nullo nomine signo,
Lethaeos latites, & longa obliuia sperant.

F I N I S.